

Diin ang mga Patay? (Bahin 2)

Ginbase sa kapitulo 6 sang *Ano Gid ang Ginatudlo sang Biblia?* nga makita sa jw.org/hil.

KATUYUAN: Mabinagbinag ang imo mga ginapatihan kag kon ngaa ginapatihan mo ini, mausisa ang ginatudlo sang Biblia, kag makita kon paano mo mapaathag ang imo ginapatihan sa iban.



PAGBUOT BALA SANG DIOS NGA MAPATAY ANG MGA TAWO?

1 BINAGBINAGA ANG IMO MGA GINAPATIHAN

Ngaa mahimo magsabat sang huo ang iban?

Ngaa mahimo magsabat sang indi ang iban?

Ano ang *imo* ginapatihan?

Ngaa ginapatihan mo ini?

Ang kamatayon puede malikawan sang mga tawo.
(Tan-awa ang kapitulo 6 sang libro nga *Ginatudlo sang Biblia*, parapo 9-14.)

Basaha ang Genesis 2:16, 17.

Suno sa sini nga mga bersikulo, ano gid ang rason nga napatay si Adan?

Kon nagtuman si Adan, buhi pa ayhan sia asta subong?



Pareho sang doktor nga nagapaandam sa iya mga pasyente sang indi puede sa ila, ginpaandaman man ni Jehova sanday Adan kag Eva nga indi paghimuon ang makahalit sa ila

Gusto sang aton mahigugmaon nga Manunuga nga indi mapatay ang mga nagasimba sa iya.

(Tan-awa ang kapitulo 6 sang libro nga *Ginatudlo sang Biblia*, parapo 15-20.)

Basaha ang 1 Juan 4:8.

Ano ang panguna nga kinaiya ni Jehova?

Basaha ang Binuhatan 24:15; Bugna 4:11.

Ano ang ginasugid sini nga mga bersikulo parte kay Jehova?

Sang nabal-an mo ang kamatuoran parte sa kamatayon, ano ang epekto sini sa pagkilala mo kay Jehova nga Dios?

3

IPAATHAG ANG IMO GINAPATIHAN

KON MAY MAGSILING...

Ginbutang kita sang Dios diri sa duta para testingan kon puede kita makapalangit.

MAHIMO KA MAGSABAT...

Damo gid man ang nagapati sina. Pero lain ang akon pagpati kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?

KON MAY MAGSILING...

Ang tanan nagakapatay; ang kamatayon bahin sang kabuhi.

MAHIMO KA MAGSABAT...

Sa aton panahon subong, ang tanan nagakapatay. Pero wala ako nagapati nga ang kamatayon bahin sang katuyuan sang Dios para sa mga tawo kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?
